

四庫全書存目叢書編纂委員會編

齊魯書社

四庫全書存目叢書

史部
第一七四冊

責任編輯：孫言誠 賀 偉

ISBN 7-5333-0535-3



9 787533 305352 >

四庫全書存目叢書·史部一七四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一七四冊目次

史部·地理類

〔成化〕山西通誌十七卷

〔明〕李侃 胡謐纂修
山西大學圖書館藏民國二十二年影鈔明成化十一年刻本

..... 一

寧波府簡要志五卷

〔明〕黃潤玉纂修
北京大學圖書館藏清鈔本

..... 七一一

〔成化〕山西通志十七卷

〔明〕李侃 胡謐纂修

山西大學圖書館藏民國二十二年影鈔明成化十一年刻本

附《四庫全書總目·成化山西志十六卷》提要

山西通志序

山西乃冀州之域山川風俗人物之盛古今所重但郡邑地理圖志歲久湮沒間有存者亦多舛錯欲考沿革驗興替不能不為之慨嘆成化癸巳秋今按察司副使胡君謐因膺提學之任為巡撫巡按諸公倚托期以大有所成就俾合三司所隸郡邑文華事實沿革之故總為一編欲便於觀覽君能以纂述為已任悉心徧歷其疆域之內河山城郭學舍宮室壇壝陵墓寺宇津梁土產貢賦兵戎屯田人物風俗興夫殘碣斷碑故基遺蹟名宦富賢之類靡不究其沿革盛衰之故豐畱義愍之由本之舊牒參之前史考之

今制凡偏州下邑僻陋之境慮有未詳猶詢諸故家大老文獻之足徵者訂之舉無遺失故所紀載網振目張畧分彙聚暨考古今文人

才士述事紀迹觸物撫時發之咏歌形之製
作春容乎大篇鏗錡乎短章皆所以道其實
而鳴其盛者咸次於卷後由是萃為全書俾
觀者一覽而舉在心目之間可謂備矣書成
來請予序之予惟古之言地理者有圖志圖
以著山川形勢所在志以驗言語土俗博古
久遠之事古之言詩者有風雅頌雅頌以道
政事美威德而風則以驗風俗政治得失之
詳昔成周之制有職方氏以掌天下之圖而
邦國四方之志則小史外史典之有太師以
掌六詩而列國之風則觀風之使采之此志
乃王道所存風乃王化所繫俱非徒視為虛
文而已也今胡君之輯山西通志其所述事
實效古之志其所采詩歌猶古之風驕揚得
體取舍至明雖遺文軼事皆得附見况所論
雋永而人不厭翫散而人無議誠上可以明

教化得失而裨益乎治道者用鉅諸梓以垂
無窮豈不宜哉吁地之勝非勝也有人以為
勝耳觀志之所紀古人之道德功業節義文
章巍然煥然足以光前裕後者此山川所毓
之人材也山川之秀初無今古則凡賢俊之
士生於冀州之域鍾此山川之秀者寧不思
所以自奮而匹休於古之人乎此通志之作
非特以資一時觀覽而深有望於紹古之君
子也若徒覽而不知所自重謂此無異草木
榮華之飄風鳥獸好音之過耳則豈今纂述
者之本意哉鑒是用序其大義使觀者興起
焉

成化乙未夏四月之吉

賜進士通議大夫都察院右副都御史奉
勅巡撫大同華亭張鑒序

山西通志序

地理有志何昉乎昉於夏后氏之禹貢周官之職方也夫有地理此有山川有山川此有人物有人物此有風俗而山川有大小人物有盛衰風俗有歟惡自古迄今無乎不於志焉見之而凡究心於治道者之所為憐也志之所繫良亦重矣我惟山西古冀州之地予同寅憲副會胡公廷慎自其始來提學

志序

于茲日常命輅車以從事雖蜜林邃谷豺虎之區靡不周歷間則取九郡與州若邑志閱之而其山川人物風俗靡不充噫于心目間久之作而言曰偉哉茲山西之地也山則太行東南橫亘數百餘里恒霍中條互為長雄紫陽朱子謂山自雲中起脊無足疑者川則黃河自龍門而下洄湧奔放北轉而南又復轉而東信如公羊子所謂河千里而一曲者

茲其山川何大與人物則聖如堯舜禹而都于平陽蒲坂安邑想當其時放勳由此而光被玄德由此而升聞文命由此而誕敷也賢如臯陶矢九德之謨傳說對三篇之命夷齊為百世之師而洪洞平陸首陽遺蹟率多有之茲其人物何盛與風俗則蟋蟀之詩有云職思其居好樂毋荒蓋其民勤儉質朴憂深思遠有陶唐之遺風茲其風俗何熾與夫山

志序

西山川之大人物之盛風俗之熾在古昔乃然逮夫世故推移其人物風俗雖未能視古昔之盛且熾而其山川之大視古昔不猶尚無恙也乎山川無恙而人物風俗之興復固有待焉耳且其郡與州若邑舊各有志然未有合而為一編者書不云乎若網在綱有條而不紊山西之志必合而一之夫然後綱舉而目張而無復遺憾矣用是數年以來每退

食輒加之意考訂其山川人物風俗而其緒
餘則及夫城郭宮室壇壝墳衍貢賦兵屯與
夫老釋之廬鳥獸之名草木之荅實焉志既
而允古今文人墨客之所著述唯有裨益乎
治道者悉錄之否則雖工弗錄固非苟焉而
已也編成命曰山西通誌顧不予鄙屬序諸
圖鐫梓以傳於庠地理之有志猶國家之有
史也昔人云作史有三長予於胡公之作斯
志也亦云

志卷之

六

成化十一年乙未秋九月吉

賜進士出身奉政大夫山西等處提刑按察司

僉事奉

勅提學金陵沈鍾書

山西通志序

山西古冀州域也在唐虞夏為甸服至周為晉
封秦漢以降皆為郡縣而分并靡一

國朝置都布按三司以臨制之而所隸府凡三州凡
二十有一縣凡七十有五間設衛所為兵備止
瀕戎虜則又置行都司以分制之特填以總帥
而巡撫巡按皆兩設焉至於建封
宗室視他方尤盛蓋其地古今所重也府州縣故
各有志兵燹屢經存者無幾


國初官為蒐輯其書粗具而尚多紛遺且未有合三



志序



七



司所隸總為一編者比謚承乏提學于斯竊嘗
有志編述而未遑也會巡撫僉都御史東安李
公侃巡按監察御史江寧劉公餘慶議政及此
曰方志不具官其地者何以改沿革驗風俗顧
乃視非吏治所急而漫不加省豈非缺典歟於
是吾諸僚寮咸以為已事遂昇其事于謚爰以
公暇訂舊志參前史益今建道旁采見聞彙而
次之為目凡四十有二卷凡十有七首置圖
九始闔境次列郡其屬則各附見焉合而名之
曰山西通志蓋四閱寒暑而始成編因請質于

副使會稽胡謐序









山西通志凡例

一凡誌中所載前代者俱據各府州縣志及長史傳文獻通考等書若繁
今代者悉纂入焉

一所以太原平陽大同州以汾沁遼沁潞為序其屬各以近北為序諸日有
在東地者俱循府州縣之序自近而遠

一山川祠廟寺觀古蹟之類有同名者則併載各州縣俱有者一見于前後
不各見補廟像官祀者則有所在之地餘及私祀者仍循地之遠近闕
塞錄其則以聲援相次不復循州縣街所遠近之序

一戶口貢賦兵備屯田間采前代明著郡縣者

國朝則據洪武永樂年及今實在之數具錄

一歷代名宦人物俱注事畧其有父子祖孫兄弟伯叔姪繼題者則併書以
著其世美入

國朝名宦分文武統編人物分仕隱有題名者俱載無題名者則錄其尤而事

山西通志凡例

十一

蹟亦間附見

一所集聖製依歷代之序若名人詩文依志中諸目之序各以類次不復分
體裁及所作之人古今先後碑刻已載集文者不再見其不及盡載及
刻落不全者則著其目

山西通志目錄

圖

卷之一

建置沿革 國名 郡名 州名 縣名

卷之二

分誌 疆域 風俗 形勝 山川 品洞并來

果應附

卷之三

城池堡砦 關塞 津梁 烽堠

卷之四

宗藩 公署 廟宇附 學校 社學書院附 倉場

驛遞 鋪舍附 宮室

卷之五

壇墀 祠廟 陵墓義塚附 寺觀

卷之六

土產 戶口 田賦 土貢 兵備屯田附

卷之七

古蹟 祥異 景致

卷之八

名宦 寓賢

卷之九

人物

卷之十

人物 列女 仙釋

卷之十一

聖製詔制附

卷之十二

集文

卷之十三

集文

卷之十四

集文

卷之十五

集文

卷之十六

集詩

卷之十七

碑目

山西通志目錄終

山西通志目錄

十一

山西通志卷之一

建置沿革

自古版內之地必有建置或沿革名號原一若匪備茲始末詳山西始為唐虞夏所都至周為晉封秦以後為郡縣以迄于今建置沿革代有異同故詳錄始末併列國郡州縣之名于左俾覽者有考焉

山西古冀州地自項項制九州冀其一而疆域最大唐虞夏皆都其地舜肇十有二州分冀東為井並蓋汝唐及殷制九州皆因舊而冀井復合周職方亦列九州而冀井仍分為二成王封弟叔虞于其地為唐國南有晉水至子契改號曰晉其後世卿韓趙魏三氏分其地秦并天下置郡曰太原河東上黨鴈門雲中代郡兩漢置十三州此為冀井後漢魏晉因之惠帝復其地沒于劉胡石勒慕容島又為符堅所陷堅敗慕容垂謀之復屬後魏唐與分十五部此為河東道領郡十有八每置北郡加魏北京又置大都督府唐末及五季迭相陷據宋平劉繼元盡得河東之地乃永唐割分為河北河東兩路又河北為東西二路後政通取石晉所沒十六州僅得其半繼復為金所陷盡沒冀地元置河東山西道宣慰肅政廉訪二司以領晉寧冀寧西京

山西通志卷之一

十一

諸路又置太原河東兵馬都督總管府

國朝建承宣布政使司領太原平陽大同三府汾沁遼潞澤五州并各屬州縣凡九十有九置都指揮使司領太原左右前鎮西振武平陽潞州七衛寧化保德沁沁州四守禦所置行都指揮使司領大同前後左右雲川王林威遠陽和高山天城鎮虜安東中七州十三衛山陰馬邑二守禦所置提刑按察司分冀寧河東冀北冀南四通惠察諸府州縣衛所三司並治太原府為曲縣兩行都司則分治大同以控制邊境云

太原府古唐國也先始封于此舜分為并州復省入冀周職方為并州秦

秋時為晉國我國時為趙秦置太原郡兩漢因之唐置并州領縣二十有一宋漢宋省并入冀三國魏改為太原國并州仍舊晉因之領縣十三有三惠帝時為劉胡石勒等所據後魏仍為太原郡亦唐置并州北齊

後周皆因之隋初廢郡置并州又改為太原郡領縣十有五唐初為并州置北都開元中改為太原府天寶初初號北京唐河東道又為河東節度使領縣十有三五代唐為西京又為北宋復為太原府河東軍節度使治榆次後又徙陽曲之唐明鎮即今治領縣十有六大觀初陞大都督府全改軍曰武勇後復曰河東元初置太原路後改為冀寧路總管府領州十有四縣十有九

國朝置太原府領州縣凡二十有八又置大原左右前三衛守為並治陽曲陽曲縣本秦大原郡後五縣地漢置陽曲縣在今縣東北八十里忻州定襄縣境後漢末移治太原縣北四十五里屬并州刺史魏武帝徙陽曲民於太原北狄丘南境築城居之而狼五縣至晉宋亦廢後魏以陽曲縣屬永安郡今定襄是也又移其南八十里今之石城隋初以陽字音轉姓惡其曲名改為陽直又徙治汾陽故城改曰汾陽大業初復曰陽直縣移治東水并城唐于故陽曲城

分置汾陽縣

今置汾陽縣今省陽直縣改汾陽為陽曲因舊名之又分置隰陰縣後省隰陰復置陽曲宋初徙州置于縣南界唐明村移縣治于西郭外金天會中移置郭下大定間割榆次之西北鄉屬焉元因之國朝省隰事司仍置陽曲縣編戶凡十五里

太原縣周唐叔虞始封之地春秋戰國時其地皆名晉陽又名大商秦置晉陽縣為太原郡治漢晉因之北齊移晉陽於汾水東而置龍山縣于城中隋省龍山縣而徙晉陽縣於城中入于汾水東置太原縣大業中遷入府城後徙縣治於汾水東宋初以縣為晉軍容罷軍為縣後又徙治永利監屬太原府元屬太原路

國朝移治汾水西洪武八年改為太原縣編戶六十九里
清源縣本晉大夫祁氏之邑人名使陽後入於泰自漢至晉皆為榆次縣之西境後魏省榆次縣屬晉陽隋開皇中即徙陽城置清源縣屬并州以西北有清源水故名春秋晉莒子清源即此地大

業初省入晉陽唐武德初復置五代宋皆不改全以晉州移治于此後為太原府屬縣元仍焉

國朝因之編戶二十八里

交城縣本漢晉陽縣之西境北齊于此置牧官隋開皇中析置交城縣屬并州其地西北當汾水之北又流之陰有古交城因以名縣唐天授初移置山南都波利即今縣是也先天二年分置盧州縣于收縣地開元二年復併入焉五代仍舊宋建大通監于此則沁州錦上縣屬焉寶元間以監為太原府全廢監以縣屬太原府元不改

國朝因之編戶四十三里

文水縣春秋為晉平陵大夫之邑後為趙一名大陵秦屬太原郡漢為大陵縣屬太原郡故城在今縣東北二十里王莽改為大寧後漢復為大陵晉屬太原國後魏大平真君九年徙晉陽氏三千戶居大陵城西南十里置壽陽而縣隋開皇中改曰文水取縣西文谷水為名屬并州唐武德三年改為汾州六年復為并州七年又復為汾州天授初改曰武興縣神龍元年復為名宋元豐間因水患徙置南漳泥村高平是即今縣也金元仍焉

國朝因之編戶七十九里

祁縣本春秋晉大夫祁奚叔向之邑因以祁名晉封祁奚為祁大夫祁奚其地秦漢皆屬太原郡武帝封李善為祁侯徙縣於西北今為祁城村後魏并州別駕分項又徙而北築城即今縣治也北齊省清復置屬并州唐初改為太州開元中改并州為太原府縣屬焉五代宋皆仍舊金置順州因東南而嶺山而名并廢州為縣後劉為晉州元屬冀寧路

國朝仍名祁縣改今屬編戶四十五里

太谷縣春秋晉大夫陽處父所封之邑故名陽邑秦為太原郡漢為

陽邑縣王莽時改曰繁模晉屬太原國後魏屬太原郡太平真君九年有景明三年後置後周建德四年後西四十五里即今縣也隋開皇三年郡廢以縣屬并州後代為太谷縣以縣西南有太谷故名唐武德三年置太州尋廢州為縣隸并州五代宋皆仍舊金大定中割榆次縣隸文仁義二鄉宋屬興定四年清源置晉州以太谷隸焉元廢州仍隸太原路

國朝因之編戶八十三里

徐溝縣本清源縣之徐溝鎮金大定中國晉氏言遂東到平晉縣斷金鄉一十三村西到清源縣界陽鄉一十一村南到榆次縣西管鄉四村置為縣隸太原路興定四年改清源縣為晉州徐溝屬焉元州廢仍隸太原路

國朝因之編戶十九里

榆次縣春秋時為晉邑晉昭公八年有石言于晉趙榆其後為祁氏

○志卷之一

四

之曰晉滅祁氏分其地為榆次大夫之邑戰國屬趙秦莊襄王二年蒙驁取趙榆次地即此漢置榆次縣屬太原郡晉治榆水古城為縣後魏人武時名入晉陽後徙置北齊徙治東十五里中都成為縣仍屬并州隋後榆次之名徙治漢故城東南而今縣治是也唐及五代不改金大定初以縣境遠大割其東界三百戶入晉陽西界三千七百五十戶入太谷西北界八百戶入陽曲西界四百十五百戶入平晉為太原縣元仍舊隸興寧路

國朝因之編戶一百五里

壽陽縣春秋時晉為晉邑趙魏子所分祁氏之田為七邑此其一也漢為榆次縣之東境晉始置壽陽縣屬樂平郡晉末有清閑皇間復置屬并州唐初置交州以縣屬焉貞觀中州廢縣仍屬并州五代及宋仍舊金大定中割榆次東界三百五十餘戶入屬晉州晉州于此移治清源縣屬平定州元仍舊隸屬太原路

國朝因之編戶三十里

孟縣本春秋時魏國為宣太子于己後為祁氏地魏魏子所分七邑此其一也西為孟大夫即此戰國屬趙為源仇城屬上父之北界孟在源仇西百里漢置孟縣屬太原郡後魏省入石艾縣隋開皇中分石艾置源仇縣屬遼州治源仇故城即今縣也唐置初改為孟縣隸并州唐武德三年割榆次壽陽二縣置交州六年唐改州治壽陽城貞觀初又省為河縣入焉八年廢交州復隸并州五代宋不改金貞祐中徙為孟州元因之

國朝洪武中徙為孟縣仍今屬編戶二十二里

靜樂縣本漢汾陽縣地屬太原郡宋廢入九原縣隋為奇嵐縣改曰汾源大業初又改靜樂縣屬樓煩郡唐于縣置管州後廢以縣屬嵐州宋咸平中置靜樂軍尋廢軍徙遼州治此熙寧三年為州為縣十年徙為遼州全改為靜樂縣後仍改為管州元初置河

○志卷之一

五

北路都元帥府于此至元初以管州有屬嵐州尋徙為管州三年又併入嵐州後徙為交州隸興寧路

臨縣本漢西河郡離石縣地後周于此置為定都及縣隨郡廢改縣曰太和屬石州唐以縣臨泐水改曰臨泉置北知州貞觀初州廢縣仍屬宋屬晉寧軍全徙屬石州元初徙為臨州行兵為都元帥府真定四邊典石州今治州事中統二年改為臨泉縣隸太原親管明年復置州屬興寧路

國朝洪武初改為臨縣仍舊屬編戶一十五里

河曲縣舊為嵐州雄勇鎮宋立大山軍屬代州後置大山縣尋廢全改為大山州後改曰興州貞元初增置河曲縣取河千里一曲之義元至元初州縣俱省入保德州

國朝洪武二年仍置河曲縣六年十四年復置改今屬編戶七里